



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

XV. Christus est pastor bonus & verus.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

legem offeruntur tunc dixi: ecce venio ut faciam
Deus voluntatem tuam, auferi primum, ut sequenti
statuat. In qua voluntate sanctificati sumus per ob-
lationem corporis Iesu Christi semel. Et omnis qui-
dem sacerdos praesto est quotidie ministrans, & eas-
dem saepe offerens hostias quae nunquam possunt au-
ferre peccata: hic autem unam pro peccatis offerens
hostiam in sempiternum sedet a dextera Dei, de
cetero expectans donec ponantur inimici eius scabel-
lum pedum eius. Vna enim oblatione consummatus
in aeternum sanctificatus.

CAPVT XIII.

Christus est ostium nostrum.

IOan. 10. 7. 8. 9. Dixit ergo eis iterum Iesus: amen,
amen dico vobis quia ego sum ostium ouium. Omi-
nes quotquot venerunt, fures sunt & latrones, & non
audierunt eos oues. Ego sum ostium, per me si quis in-
troierit, saluabitur; & ingredietur & egredietur &
pascua inueniet.

CAPVT XV.

Christus est pastor bonus & verus.

FIGVRA. Genes. 31. 39. In Iacob patriar-
cha qui inquit ad Laban. Nec captum a bestia
ostendi tibi, ego damnum omne reddebam: quicquid
furto peribat a me exigebas.

PROPHETIAE. Psal. 22. 1. 2. 3. Dominus
regit me & nihil mihi deerit; in loco pascuae ibi me
collocauit, super aquam refectiois educavit me: ani-
mam meam conuertit, Deduxit me super semitas in-
stus

stitia propter nomen suum. Isai. 40. 11. Sicut pastor
 gregem suum pascet, in brachio suo congregabit agnos
 & in sinu suo leuabit, fœtas ipse portabit. Ierem. 23.
 3. 4. Et ego congregabo reliquias gregis mei de omni-
 bus terris, ad quas eiecerò eos illuc: & conuertam eos
 ad rura sua. & crescent & multiplicabuntur. Et sus-
 citabo super eos pastores, & pascent eos: non formida-
 bunt ultra, & non pauebunt, & nullus queretur ex
 numero, dicit Dominus. Ezech. 34. 10. 11. 12. 13. 14.
 15. Hec dicit Dominus Deus: ecce ego ipse super pa-
 stores requiram gregem meum de manu eorum, & ces-
 sare faciam eos ut ultra non pascant gregem, nec pas-
 scant amplius pastores semetipsos: & liberabo gregem
 meum de ore eorum, & non erit ultra eis in escam.
 Quia hæc dicit Dominus Deus: ecce ego ipse requi-
 ram oues meas, & visitabo eas. Sicut visitat pastor
 gregem suum in die quando fuerit in medio ouium
 suarum dissipatarum: sic visitabo oues meas, & libe-
 rabo eas de omnibus locis in quibus dispersa fuerant
 in die nubis & caliginis. Et educam eas de populis
 & congregabo eas de terris, & inducam eas in terram
 suam: & pascam eas in montibus Israël, in ruinis, & in
 cunctis sedibus terra. In pascuis uberrimis pascam
 eas, & in montibus excelsis Israël erunt pascua earum;
 ubi requiescent in herbis virentibus, & in pascuis pin-
 guibus pascentur super montes Israël. Vers. 21. 22.
 23. 24. 25. 26. 27. 28. 29. 30. 31. Pro eo quod laterio-
 bus & humeris impingebatis, & cornibus vestris ve-
 rilabatis omnia infirma pecora, donec dispergerentur
 foras: saluabo gregem meum, & non erit ultra in rapinam,
 & iudic.

& iudicabo inter pecus & pecus. Et suscitabo super
 eas pastorem unum qui pascat eas, seruum meum
 David: ipse pascet eas, & ipse erit eis in pastorem.
 Ego enim Dominus ero eis in Deum, & seruus meus
 David, princeps in medio eorum: ego Dominus
 locutus sum. Et faciam cum eis pactum pacis. &
 cessare faciam bestias pessimas de terra: & qui habi-
 rant in deserto securi dormient in saltibus. Et po-
 nam eos in circuitu collis mei benedictionem: & dedu-
 cam imbrem in tempore suo, pluuia benedictionis er-
 runt. Et dabit lignum agri fructum suum, & terra
 dabit germen suum, & erunt in terra sua absq³ timo-
 re, & scient quia ego Dominus. cum contriuero catenas
 iniqui eorum, & eruero eos de manu imperantium
 sibi. Et non erunt ultra in rapinam in gentibus,
 neq³ bestie terra deuorabunt eos; sed habitabunt con-
 fidenter absq³ ullo terrore. Et suscitabo eis germen
 nominatum, & non erunt ultra imminuti fame in
 terra, neq³ portabunt ultra opprobrium gentium. Et
 scient quia ego Dominus Deus eorum cum eis. & ipse
 populus meus domus Israël, ait Dominus Deus. Vos
 autem greges mei, greges pascuae meae homines estis: &
 ego Dominus Deus uester, dicit Dominus Deus. Ibi-
 dem cap. 37. 24. Et seruus meus David rex super
 eos, & pastor vnus erit omnium eorum; in iudiciis
 meis ambulabunt, & mandata mea custodient & fa-
 cient ea. Mich. 5. 2. 3. 4. Et tu Bethlehem Ephra-
 ta paruulus es in millibus Iuda: ex te mihi egregetur
 qui sit dominator in Israël, & egressus eius ab initio
 a diebus aeternitatis. Propter hoc dabit eos usq³ ad
 tempus

tempus, in quo parturiens pariet & reliqua fratrum
 eius conuertentur ad filios Israël. Et stabit, & pascet
 in fortitudine Domini, in sublimitate nominis Domi-
 ni Dei sui: & conuertentur, quia nunc magnificabi-
 tur usq; ad terminos terra. Zachar. 11. 4. 5. 6. 7.
 Hec dicit Dominus Deus meus, pascet pecora occisio-
 nis, quia qui possiderant, occidebant, & non dolebant,
 & vendebant ea dicentes: benedictus Dominus,
 diuites facti sumus; & pastores eorum non parce-
 bant eis. Et ego non parciam ultra super habitantes
 terram, dicit Dominus: ecce ego tradam homines,
 unumquemq; in manu proximi sui, & in manu re-
 gis sui: & concident terram, & non eruam de manu
 eorum. Et pascam pecus occisionis propter hoc. &
 pauperes gregis: & assumpsi mihi duas virgas, v-
 nam vocavi Decorem, & alteram vocavi Funicu-
 lum, & pasci gregem. Ibidem cap. 13. 7. Phra-
 mea suscitare super pastorem meum, & super virum
 coherentem mihi, dicit Dominus exercituum: per-
 cute pastorem & dispergentur oves, & conuertam
 manum meam ad paruulos.

VERITAS. Matth. 26. 30. 31. Et hymno
 dicto exierunt in montem Oliveti. Tunc dicit illis
 Iesus: omnes vos scandalum patiemini in me in ista
 nocte; scriptum est enim. Percutiam pastorem &
 dispergentur oves gregis. Ioan. 10. 11. 12. 13. 14.
 15. 16. 17. Ego sum pastor bonus, bonus pastor ani-
 mam suam dat pro ouibus suis. Mercenarius au-
 tem, & qui non est pastor, cuius non sunt oves pro-
 priae, videt lupum venientem, & dimittit oves & fu-
 git, &

gu & lupus rapit & dispergit oves: mercenarius autem fugit quia mercenarius est, & non pertinet ad eum de ovibus. Ego sum pastor bonus, & cognosco meas, & cognoscunt me mea. Sicut novit me Pater & ego agnosco Patrem: & animam meam pono pro ovibus meis. Et alias oves habeo quae non sunt ex hoc ovili, & illas oportet me adducere, & vocem meam audient, & fiet unum ovile & unus pastor. Propterea me diligit Pater: quia ego ponam animam meam, & iterum sumam eam. Heb. 13. 20. 21. Deus autem pacis qui adduxit de mortuis pastorem magnum ovium in sanguine testamenti aeterni Dominum nostrum Iesum Christum, aptet vos in omni bono, ut faciatis eius voluntatem, faciens in vobis quod placeat coram se per Iesum Christum: cui est gloria in secula seculorum, Amen 1. Petr. 2. 25. Eratis enim sicut oves errantes, sed conuersi estis nunc ad pastorem & episcopum animarum vestrarum. Ibid. capit. 5. 2. 3. 4. Pascite qui in vobis est gregem Dei, providentes non coacte, sed spontaneè secundum Deum: neque turpis lucri gratia, sed voluntariè: neque ut dominantes in cleris, sed forma facti gregis ex animo. Et cum apparuerit princeps pastorum percipietis immarcescibilem gloriam coronam.

CAPVT XVI.

Christus est pax, & pacificator, & purificator.

Ephes. 2. 4. Deus autem qui dives est in misericordia propter nimiam charitatem suam quam dilexit nos, & cum essemus mortui peccatis conuincit
ficavit